

科至歲舉既定年限各該督撫學政務將各書院學堂切實經理隨時督飭院長教習認真訓迪用副朝廷旁求俊乂至意等因欽此竊維古之教者家必有塾州長黨正歲時讀法而書其德行道藝鄉大夫三年大比與賢能而獻之王此周官立法學校與選舉相維之精意所以士敦實行野無遺賢也隋唐以來皆以詞章取士政與教既判為兩途仕與學遂各為一事故歷宋元迄今科目非無英俊而懷才抱道之士或不見用於時無他上不以實求下不以實應也近來歐美諸邦藝學日新其事雖經傳所罕言其取士立法無蹈虛之弊用能自成風氣今我皇上軫念時艱旁求俊乂採泰西之新法培海內之英才此誠千古一時之盛舉臣愚以為圖治必先防弊立法要在救時總理衙門議 奏以內政外交理財武格致考工六事先特科而後歲舉固已簡明允當惟此六事中日留心掌故討論時務如內政外交二者當不乏人若理財以下諸學殆非設學培養數年之久難期成就且內政外交及理財之農桑格致之算學或可命題以試此外各學非呈驗器藝不足觀其實諸今欲憑文字為去取作者依題敷衍者糊名摸索無論干託負綠濫登薦贖使絕無瞻徇所得仍詞章之士耳於經濟何與臣愚擬請飭中外薦舉時無論已仕未仕按以上六事遵照原奏聲明何所專長並其人心地操守有無嗜好出具切實考語 奏請 諭旨各就所學分別器使或令在總署當差或充教習繙譯或分發各省稅關水師陸軍船政製造礦冶紡織鐵路電報各局差遣委用或交出使大臣帶隨外洋遊歷練習務使各盡其才試有實效再由各該管切實保奏量予升擢將來人才既眾或酌量舉行特科以副 皇上十年二十年一舉之 諭旨其向來出洋及內地電報等項三年一保之例概行停止若非學堂出身及此項保舉人員概不准派隨同出洋差使此後考試總署章京一以外交各條命題不限篇幅刻不拘楷法工藝一經破除積習人才自必奮興至歲舉之科則不必試四書文亦無庸附鄉會試夫所謂四書文者本孔孟之語而體之於身衍之為文原期通經致用無如沿襲既久庸濫浮偽徒摭拾糟粕為干祿之資一旦蒞官案牘茫然用非所習况復捐班雜處補署無期宜海沉淪粹難表見而近年科舉懷挾鎗督師習日滋防不勝防以云造就人才亦祇見其弊矣今既名之曰經濟常科似莫若按照特科六事經由學堂選舉如各府州縣有小學堂該學堂所習何項學藝有無進益曠廢按月由教習監院註明報明地方官甄別存記屆歲舉之期即由地方官會同教習考試擇尤錄送省學試列優等者准其作為生員留學堂肄業三年平日課業登記亦如小學堂之式屆期再由督撫會考擇尤拔取准其作為舉人彙送京師大學堂考試再列優等准作貢士由總理衙門會同禮部帶領引 見賜以進士出身量以授職

分發試用其舉人生員之未經中式者分別給予憑照准充學堂教習惟無論何項學堂必以修身明理繪圖知算為根本學堂書籍固宜購備宏富而各省專門亦難變通賅貫無論何項總以 聖諭廣訓及孝經四書朱子小學為入門考試時專就各門核閱外仍以此書酌量命題使作解文一篇圖算一則以文義通暢理解澈澈為合式而向來例舉之鄉會試歲科試既不能驟停亟須認真整頓所有中額學額必應核實裁減隨時酌量與經濟科互相消息其各省會及府廳州縣向課制藝之書亦應逐漸酌改將現有之經費拮据注茲以資學堂膏獎庶風氣轉移學者知所趨向一面停止捐輸嚴核保舉塞僥倖之門開賢才之路計莫先於此矣夫今之所少人才耳當此百務待舉之期 皇上特下求賢之詔若非權衡至當圖治本原恐法愈變而弊愈滋有不得不慎於始者可否 飭下總理衙門會同禮部將臣所擬各節彙入嚴修等前奏一併妥議釐定章程以拔真才而取實效除俟訪察得人另行薦舉外愚昧之見是否有當謹繕摺陳伏乞 皇上聖鑒訓示謹奏奉 硃批該衙門議奏欽此

撫院批示

嶽麓書院肄業諸生楊宜霖等聯名稟批 閱稟具見惻誠惟前閱時務各報於傳聞德國弁兵毀傷即墨 文廟祀像一節均已迭稱其訛乃昨日復見湘報登有此事呈詞極為駭詫比即飭發以電飛致山東撫部院張詢明底實應俟山東復電到時再行核辦並即宣示知照可也此批

戶部搭放龍圓條示○戶部為曉諭事查廣東解到大小龍圓合銀三十萬兩原議先由官俸搭放惟現在秋季官俸為期尚遠自應因時變通由各衙門酌量撥放各項工程額料綴定兩庫折價五成練勇局月領銀兩自本年閏三月起酌量搭放以後凡在海防例報捐領信票及在崇文門左右兩翼交稅均准銀圓搭收以期流通行用茲將搭放簡條開列於左 一銀圓係屬庫平而搭放各項均係京平應按六分申平合算如大銀一枚重庫平七錢二分申合京平應重七錢六分三釐二毫其五角以下小銀圓均依此數申算凡官民人等承領此項銀圓絕無虧平之累 一銀圓數目零星搭放成數頗難劃分擬先知照銀庫自閏三月起遇有各項搭放之款每百兩應放給銀圓若干現銀若干均由管庫大臣屆時酌酌核定惟至少不得不及二成之數 一搭放之款既不必明定成數搭收之款亦毋庸按成數核計應自閏三月起凡在部報捐請領股票每百兩搭放銀圓若干現銀若干均聽本人自便崇文門左右翼收稅亦照此章辦理其不願交銀圓者仍聽 一各項取

款向按庫平紋銀嗣後有以銀圓交者約每大銀圓一枚即作為庫平紋銀核算不得稍有折扣如兌取之時書吏藉詞刁難應由該管官查明從重治罪 以上各條應由本部印照領款各衙門備案並行崇文門左右兩翼步軍統領衙門順天府五城一體張貼曉示俾官民人等無不周知 錄漢報

償金餘額○日本報云此次中國應償還日本之金已於西歷五月七日在倫敦及柏林兩處中國欽差大臣將該金交付日本欽差公使今查其總額數若中國期明治三十五年繳清即按條約不可不加算利息還付總計三萬萬九千六百餘萬圓然已因先期繳清之故不要加算利息是以其內三千四百萬元即可減少而該償金有於前年已經還付者是以此次所還付者計一萬萬一千六百八十萬圓也然日本此次對中國公債應貸二百萬磅而其公債額即八折八分也是以其實一百七十六萬磅即一千七百萬圓也故今試乘除該金則其此次所還付者不過計九百萬圓云 錄漢報

不忘故國○此次會試所中至字號係台灣士子應試者曾具呈禮部 奏請考試是以特編此號云 百谷齋○京友來函云張樵野侍郎向以善畫名家其法悉以王石谷為本故凡將石谷真本與觀者無不以善價向購現已購至四十餘幅特於府中花園內建造百谷齋一座其意蓋欲購滿百幅以便羅列在內蔚為大觀也海內珍藏家如能乘此機會以石谷畫出售當可善價以沽焉 錄蘇報

留心武備○杭省自上年 奏請設立求是書院以來士林中人咸知實學之有益不肯沾沾於帖括而富道又心存 君國志切與利陸續增創武備齋桑等學堂近復議在抄封入官之圓通寺內設立農學公會各情茲又有文武職員舉貢生監多人以 國家將開特科拔取賢豪而武備尤為要務故邀集同志會議擬投撫轅其稟創立武藝學堂不拘文武舉貢生監概准報名聽候甄別肄業延請東西兩洋教習演水陸攻守槍砲邊防等法按季輪請大憲按試選優拔入武備官學堂卒業并欲請撥大寺院一所為學堂以免另建惟值此庫款支絀之際恐需用甚鉅籌措不易耳 錄博聞報

飭拿會匪○去年山東膠州地方兇徒殺害德國教士之後地方官訪得大刀會匪某姓在場行兇特飭差役緝拿某聞信即逃至徐州避匿徐州道復派捕嚴拿某即潛逃出境現經道憲據情稟詳蘇撫憲奎樂峯中丞札飭各屬一體拘拿上海縣黃愛棠大令奉札後業已派差查緝矣 議辦教案○兩江督憲劉峴帥因近來教案迭出與某國公使商議另立新章嗣後如有開教之案務須將

匪犯盡數拘拿按律懲辦毋使漏網該管地方官不能先事預防亦有應得之咎定當從嚴懲辦現聞業已議妥由劉峴帥行文來滬矣 錄滬報

泰東各口岸行船之利○中法新報云法國商部前曾專委法員弗羅馬學氏往中國日本一帶查看行船事務於法人究有何項利益弗氏奉委以來已數月矣茲聞已查畢覆命其詳云略謂東方海面船隻除兵輪外鮮有懸紅白藍三色旗者法國之輪船公司將焉用之不及時撤去之為愈也為此說者豈以泰東行船之利已成弩末勢已不可為乎非也實無人焉以為之耳查于八百九十四年中國通商各口岸商船之載貨出入者計重千五百萬噸日本口岸商船二百餘萬噸合以南洋瓜哇島商船二兆噸法屬越南一帶各口岸商輪一兆噸是泰東洋面每年商輪之往來進口者不下二十兆噸如此極大商務法商竟未由染指是何故也弗羅馬學氏查悉中日洋面英船共有千艘德船四百艘每月往來兩次之郵船亦在數內黃海之南新金山各埠千八百九十四年時有商船六千艘抵埠此六千中法船僅有四百六艘而郵船亦在數內抑何少也弗氏不徒考查中日一帶並往太平洋東岸游歷一周自南美洲智利國巴瓦爾乘車起至中美洲巴拿馬埠一帶查悉該處有英商大公司一德商公司二互相權利爭先恐後由巴拿麻至三弗羅息士哥商埠亦惟英德兩國旗幟蕩漾於驚濤駭浪之中法商則無與焉然太平洋沿海一帶法商雖少而踴躍殊甚由西貢販至歐洲供法蘭西市廛發賣之米麥止五十餘萬噸新金山之羊毛銷往法國者為數亦屬最鉅新金山出口羊毛共五十餘萬包法商需三十餘萬包之多中美洲所產加非由德船運往威堡大商埠者七十餘萬法鈞而轉運至法者居其三分之二統觀以上數項貨物法人所需者居其大半然非由倫敦轉運至者即由德國威堡轉運而來非出於英德人之掌中即出自相瑞人之手下法商竟無從染指焉 錄國聞報

韓庫已空○西二月七號東京日日新聞云朝鮮國庫去年三月以前只存百八十餘萬圓及償還國債一百萬圓尚存八十餘萬圓耳支出前兩月經費約四十萬圓至大葬前所餘者僅三十萬餘圓及明治成后大葬費三十萬圓之國庫所貯藏區區十餘萬圓各部之俸亦不知所出度支部之支絀無可言矣其內廷每月經費十九萬餘圓一切雜用更未遑算財窮力竭不解維持度支部大臣計無所出迫與俄公使請借彼三百萬圓先清償債至以何物為質尚未查悉 錄中西報

二百七十七分出口貨中以絲貨為最上年出口貨所值之價增多二十六兆七十九萬九千八百五十六銀洋次為棉紗較前增多九兆四十六萬零七百七十一洋出口煤斤所值之數增多二兆六十六萬六千五百四十四洋網增多二兆四十七萬八千四百五十八洋麻繩增多九十四萬七千洋火柴增多八十五萬洋出口貨中惟絲茶葉二物較前年為少進口貨中羽紗一項所值之價較之前年減少二兆六十六萬洋羊毛織貨減少一兆四十六萬洋洋緞減少九十九萬洋洋棉紗減少一兆七十四萬洋洋紗汗衫減少二兆七十七萬洋棉布衣褲所值之價亦減少一兆七十二萬洋就上二項觀之可見日本紡織一業之長進多矣至於米糖棉花火車機噐等物進口數目較前為多所以以上年進口貨價值總數較之前年尚增多二兆八十九萬四千二百三十五洋出口金銀值十一兆五十九萬零零六十洋而進口之金銀較之出口之數反多二十七兆五千五百五十五洋上年收進中國之賠款一宗且於倫敦售出股票無算收進現款亦不少也 錄國聞報

留達電報由來○大阪朝日報紀歐洲留達電報由來云方今世界所設電綫勿論各國首府大都至如各要地亦皆設立分局安置委員總期事機迅速的確無誤使世界人士受其便益者即留達電報也試稽其電報之由來其始創設局者即保兒朱利亞士留達氏也留達氏一千八百八十八年生於德國卡兒兒府一千八百四十九年始於日沙波兒至柏林之間架設電綫次以沙波兒為中樞而陸續架設各道收發電信一千八百五十四年法國卡列與英國士宇亞之間架設海底電綫留達氏移其家於英國在倫敦設電報本局當時世人未知電綫之利即倫敦各報館亦未揭電以速報新聞供人快睹間有一二報章漸載電文其他報章轉載該文而已是以留達氏大發慨嘆欲以匡其不逮於全球各地設分局凡緊要事件飛馳電音與各報自此英國各報之紀事頓覺一新於是留達氏力欲同一電文於同日載各報章盡善盡美自是留達氏更設分局於美國澳洲及東亞諸國其後如法奧戰爭美國設海南北戰事留達電報之效昭昭卓著一千八百六十五年留達氏集股資以擴張之更於英德兩國之間沈底電綫又得法美兩國海底電綫之權一千八百六十九年其工竣矣一千八百七十一年德國政府嘉賞留達氏之功特加男爵一千八百七十八年留達氏辭電報局總辦惟監督該業先有留達氏請波斯國王得鐵路礦山之權世人頗注意於此事是乃一千八百七十二之事也今年留達氏年已八十矣精神猶甚鏗鏘云蓋今日吾人一覽報章而直知全球之大勢及各項事件者實留達氏之力也 錄漢報

租船案要聞○信隆洋行與南洋支應局因租船一案涉訟多時昨閱西字捷報載刻聞此案一二日內大約可了結銀款亦已措辦待付如不另生枝節此禮拜內總可完結也此係西報之言想必確實故譯登之 錄禮報

糧豆空乏○營地豆餅黃豆小豆等物皆為日本商人購運以致市上豆糧為之一空近日市價豆餅每十斤價銀七兩七錢黃豆每一石銀六兩六錢高粱每一石銀四兩白米每一石銀十二兩次十一兩似此米珠薪桂彼窮苦者將何以生活耶 錄國聞報

論漁務賽奇會之有益於法○法巴黎斯報云瑞威國伯根海準創立萬國漁務賽奇大會開賽之期訂在千八百九十八年五月該會主人即瑞典瑞威兩國共主哇釋嘉第二也用贊以贊成之者為瑞威政府並伯根準公董局歐洲漁務以瑞威為最盛各項商貨為漁人所必需者正可及時赴賽以收相觀而善之效並獲利權以故歐洲北境濱海諸國咸命其商家船戶製造工人凡一技一物之有關漁務者悉數攜往角賽我法國漁務公會為令法商便易入會起見先在伯根立一公會主其政者為工師嘉歇繼稽查官為伯根法領事格雷五巴黎製造工師俾拉魯二人與賽之物共分四類 一藝術類凡書畫圖籍學堂書局池沼各種格物器具及一切考察海洋地里水性甘苦並某魚可食某魚忌食之術均隸此類 二為物產類所有物產共分五類一為魚鮮類如鮮魚冰鮮乾魚魚脯等物二為漁具類捕魚機器魚網魚籠魚叉三股叉各種勾餌及捕魚海猪等物所用之器具三為漁船類船具船機盤車鉤子錨鍊帆布船纜帆纜船旗漁衣布網機器及漁人所需之物食等類四為魚脯所需各物如鹽油硝磺桶匣薰魚火爐車舟火舟冰船及載送他處時所需之箱匣等物五魚身各物如魚油魚肝油魚膠海鳥糞肥田料琥珀皮羽牙海絨魚鱗珊瑚蚌殼假珠及製造以上各物時所用器具 三為甲蟲類蛤蚌龜鼈及一切帶甲之族隸之 四為漁務冊籍類漁務貿易情形水族消路保險局支應商局水手公會救生公會藥局醫院燈塔捕魚海口賣魚市場等一切冊籍隸之 五為玩具類捕魚玩具釣竿小艇遊船釣魚會水手衣服各色功牌文憑旗幟凡屬遊觀時所需用者均隸此類凡願赴賽各商須於千八百九十七年十一月一號以前赴會報明與賽緣由並賽物名目大小分兩允須遵照瑞威大會中所定專約辦理會中總稽查官格雷五氏嘗遺書云前項貨物無論在法或在瑞威造成或由他國工人代造凡歸法商承辦銷行於瑞威市上者皆按照法人所定價目發賣俾與外人所仿造之物有所區別如是則利權我屬他

人不得賤混射利矣。瑞威國漁務極盛，我法貨理宜暢銷，乃查去年冊籍瑞國輸進貨物共值二百兆法郎，其中所有法貨祇值六兆法郎，是法國商務抵居百分之二。今將輸入瑞國之法國物產器皿分別言之：一、魚鮮漁具如鹹魚乾魚海魚魚網魚帆布等物，由他國運往者一千八百九十五年計重七兆基羅法郎，無焉。二、油鹽類橄欖油一物輸入總數為二十七萬五千基羅法郎，居百分之十五。他種油類輸入總數為六兆五千萬基羅法郎，居百分之六。所銷黃澤魚油法貨居百分之十七。麻斤十分之七。麻料貨物總共重七萬基羅法郎，居百分之六。鹽總共銷一兆二十五萬基羅法郎，居百分之二。船上各物所銷之數法貨居百分之三。油衣樹膠皮衣法居百分之二。列觀上開數目，則某項暢銷某物有利，閱者當一目了然。至於此次賽會各國商人無不與賽，有此機會，不徒可以暢銷貨物於瑞威市上，並可望於他貨銷路亦因此愈廣，誠一舉而兩善備也。錄國開報。

捐助常德府明德學堂沅州府沅水校經堂黔陽縣寶山學堂鳳凰廳資治學堂書籍題名每處各壹百二十部

劉觀察麒祥 蔣觀察德鈞 熊庶常希齡 同捐入

- | | | | | | | | |
|------|---------|------|-----|------|--------|------|----|
| 運規約指 | 一本 | 繪地法原 | 一本 | 藝器記珠 | 一本 | 製火藥法 | 一本 |
| 微積湖原 | 六本 | 化學求數 | 十四本 | 汽機發軔 | 四本 | 礮準心法 | 二本 |
| 格致小引 | 一本 | 汽機新制 | 二本 | 測地繪圖 | 四本 | 電氣度錄 | 一本 |
| 汽機必以 | 六本 | 算式輯要 | 二本 | 西藥大成 | 十六本 | 開煤要法 | 二本 |
| 儒門醫學 | 四本 | 地學淺釋 | 八本 | 兵船礮法 | 三本 | 行海要術 | 三本 |
| 金石識別 | 附表一本 六本 | 光學 | 二本 | 內科理法 | 十二本 | 化學鑑原 | 四本 |
| 西藝知新 | 附續刻十四本 | 水雷秘要 | 六本 | 化學分原 | 二本 | 營城揭要 | 二本 |
| 御風要術 | 二本 | 營壘圖說 | 一本 | 航海簡法 | 二本 | 測候叢談 | 二本 |
| 銀礦指南 | 一本 | 防海新論 | 六本 | 器象顯真 | 連全圖 三本 | 兵船汽機 | 八本 |

不纏足會續題名

王貴銘字大本善化人 盛大興字壽臣善化人 雷文煥字鑿棠瀏陽人 王享秩字潤生善化人

王享雲字潤湘善化人 盛大于字保生善化人

南學會告白 ○現在天氣涼爽本學會定於本月三十日宣講願來聽者請先期領取憑單

中國女學增設報館告白

敬啟者中國女學不講已二千年矣同人以生才之根本在斯於是倡立女學堂現定四月十二日開塾已登報告白外欲再振興女學會更擬開設女學報以通坤道消息以廣博愛之心乃萬事創始章程粗具今得主筆兩三恐不足以供應天下想宇宙之大闡秀中定不乏大手筆無論中西賢淑名媛如有高見卓識乞請迅速惠賜官話緣起一篇章程數則本館當有文必錄公聘筆政夫今日何日宜愛才之不服尙可拘成見乎佳作請寄英租界望平街蒙學報館及坭城橋不纏足會是荷 上海桂墅里女學會書塾女提調女董事公啟

米南宮朱樂園墓表墨蹟

此帖筆勢遒勁是南宮得意之作而外間流傳絕少丁酉江建霞編修手授本館用西法影出現石印裝成十一幅定價洋二元如有鑒藏家請至藥王街鏡蓉至購取可也

沅湘通藝錄

江宗師試讀 每部十本價六百文
南陽街富文書局寄售

湖南公忠報

本報專論時事以規勸人臣為主義
每七日出一本其機器鉛字已派人
赴上海定購茲擬七月初一日出報
暫借湘報館機器代印一俟購辦齊
備再行設館所有章程容續登報布
知 戴展誠 裴健 吳辦 同啟

維新書局

開在湖南省城南正街專辦官板中西史志交
涉公法輿地算學及各種格致圖籍擇期開張

失票聲明

啟者二月二十日由漢口天成亨立會票向長沙本號三月間交同順泰長平銀五百兩此票由平江生義全交森昌信行寄托長沙裕源長照收該信行於念日行至平邑長嶺被賊將票劫去當在縣報案復在善化縣存案并請驗單交天成亨嗣後無論中外各色人等拾得此票均作廢紙特此聲明以便周知此佈
平江生義全長沙天成亨全啟

定做不纏足雲頭方式鞋

李復泰鞋舖開設南陽街 賜顧者請先交長短寬窄底式不拘何等雜色隨人所喜並售京衛漢式各種靴鞋

四月二十七日日用各物時價表

物名	每	實	價值	比較	物名	每	實	價值	比較
銀	兩	湘平	一千三百四十一文		銀	兩	湘平	九百二十一文	
錢	千文		七錢四分五厘半		錢	千文		八錢一厘	
上白米	石		一千五百五十五文		次白米	石		一千五百一十二文	
中米	石		一千五百一十文		河東谷	石		一千六百六十文	
河西谷	石		一千二百一十文		灰	百		三千五百文	
洋麵	包		一千七百文		洋麵	包		五千六文	
茶油	百		七兩四錢		菜油	百		六兩五錢	
牛油	百		一兩八錢五分		桐油	百		六兩一錢	
牛油	百		一百二十八文		栗木炭	百		壹千文	
歡喜炭	百		六百六十文		上棉花	百		十五兩六錢	
中棉花	百		十五兩		下棉花	百		十四兩八錢	
					二印折炭	百		三兩五錢四分	

上諭恭錄

廿三日閣抄奉 上諭數年以來中外臣工講求時務多主變法自強邇者詔書數下如開特科裁冗兵改武科制度立大小學堂皆經再三審定籌之至熟核議施行惟是風氣尚未大開論說莫衷一是或老成憂國以為舊章必應墨守新法必當擯除衆喙曉曉空言無補試問今日時局如此國勢如此若仍以不練之兵有限之餉士無實學工無良師強弱相形貧富懸絕豈真能制挺以撻堅甲利兵乎朕惟國勢不定即號令不行極其流弊必至門戶紛爭互相水火徒蹈宋明積習於時政毫無裨益即以中國大經大法而論五帝三王不相沿襲譬之冬裘夏葛勢不兩存用特明白宣示中外大小諸臣自王公以及士庶各宜努力向上發憤為雄以聖賢義理之學植其根本又須博采西學之利於時務者實力講求以救空疏迂誕之弊專心致志精益求精毋徒襲其皮毛競其空說化無用為有用以求通經濟變之才京師大學堂為各行省之倡尤當首先舉辦著軍機大臣總理各國事務王大臣會同妥速議奏所有翰林院編檢各部院司員禁門侍衛候補候選道府縣以上各員子弟八旗世職各員武職後裔其願入學堂者均准入學肄習以期人才輩出共濟時艱不得敷衍因循徇私游引致負朝廷諄諄誥諭至意將此通諭知之欽此

上諭方今各國互通使才為當務之急著各直省督撫於平日所知品學端正通達時務不染習氣者無論官職大小酌保數員交總理各國事務衙門考驗帶領引見以備朝廷任使欽此

上諭電傳

十八日 上諭郭寶昌現已服闋仍着補授安徽壽春鎮總兵欽此○二十日閣抄 硃筆曾廣漢補授宗人府府丞欽此 翁斌孫調補翰林院侍讀黃紹箕補授翰林院侍講欽此

撫轅批示

長沙縣職員常達邦呈批○荒年暹羅乃萬不得已之舉然運船裝載遠出牟利者許其暫行禁止至於本境仍應流通互相接濟一縣之中豈可復以都區自分畛域且上年秋收尚得中稔本年春間穀價偶漲旋即平減與饑饉之年迥不相同各都團保何得任意卡阻但有穀之家往往將存倉穀米盡數遠運以弋厚利轉不肯於本處售賣致附近貧民不服相率卡阻亦所難免據呈是否實情仰長沙府轉飭長沙縣傳集人證查訊明確確持平究斷詳覆詞黏并發仍繳○湘陰縣職員楊名照呈批○前據長沙縣將訊斷情形詳細具稟批司查核飭遵在